

Til kornhandlarar
Sendt pr. e-post

Dykkar ref.:

Vår ref.: sfl

Oslo, 15.03.2018

Invitasjon til å gi tilbod om omdisponering av matkveite i sesongen 2017/2018

Norske Felleskjøp inviterer med dette til å gi tilbod på prisnedskrivning av **matkveite klasse 4 til fôr innafor ei ramme av 35 000 tonn.**

Tiltaket vert gjennomført med heimel i Omsetningsrådet sine «retningslinjer for markedsregulering av korn», § 2 første ledd punkt 2.

Norske Felleskjøp har utarbeidd nærare retningslinjer for kompensasjon for prisreduksjon på matkorn anvendt til fôr, sist oppdatert 26.11.2015. Norske Felleskjøp sine retningslinjer er vedlagt.

Tilbod må vere levert hos Norske Felleskjøp innan torsdag 22. mars klokka 12:00.

Norske Felleskjøp tar sikte på å fordele tilsegner same dag som fristen går ut. E-post kan sendast til sindre.flo@fk.no. Aktørane bør be om stadfesting av at e-posten er motteken.

Det blir stilt som krav til aktør som får tilsegn om priskompensasjon at omdisponert vare blir brukt til fôr innan 15.10.2018.

Det er viktig at heile det kvantumet som det blir gitt tilsegn om, blir teke ut av marknaden for matkorn i inneverande sesong. Tilbod vil difor vere bindande for aktørane. Dette er viktig både for effektiv regulering og for å unngå at aktørar skal kunne blokkere for andre gjennom å sikre seg rom for omdisponering av korn utover det aktøren sjølv har tilgang til.

Omdisponert matkorn kan seljast til andre for bruk i fôr. Aktør som får tilsegn frå Norske Felleskjøp om dekning av kostnader med prisreduksjon, har ansvar for å sikre at denne varen blir brukt til fôr til landbaserte husdyr. Ansvaret for bruk av omdisponert korn til fôr skal overførast til eventuelt annan brukar gjennom brukserklæring. Norske Felleskjøp vil som i tidlegare tilbodsrundar, lage ei felles erklæring til bruk overfor sluttbrukarar. Denne blir sendt ut saman med tilsegn om kompensasjon. Vi ber om at sluttbrukar vert gjort merksam på at erklæringa skal brukast i to omgangar. Den siste delen er ei slutterklæring, som skal fyllast ut av sluttbrukar av det omdisponerte kornet og sluttbrukaren sin revisor og sendast direkte til Norske Felleskjøp når kornet er brukt opp. Begge erklæringane med revisor sin attest skal vere hos oss innan 15.11.2018.

Aktør med godkjent tilbud som omset omdisponert korn til andre fôrprodusentar kan krevje utbetaling av kompensasjon når alt korn i samsvar med eit godkjent tilbud er brukt eller omsett til andre for bruk i fôr. Brukserklæringa vil vere grunnlaget for godkjenning av faktura frå aktør med godkjent tilbud til Norske Felleskjøp.

I tilbudsrunder er det ikkje stilt krav til kor stor kompensasjon aktørane kan be om i sitt tilbud. Norske Felleskjøp vil likevel vurdere om krav om kompensasjon gjer reguleringa dyrare enn det vi vil forvente gjennom å regulere gjennom overlaging, jamfør våre retningsliner punkt 7 f).

Norske Felleskjøp kan stille nærare krav om dokumentasjon frå aktørane for å sikre at grunnlaget for kompensasjon er korrekt.

Vedlagt følger skjema for tilbud som kan brukast ved innlevering av tilbud. Skjema skal vere fullstendig utfylt og underteikna. Retningsliner og skjema for tilbud blir også utlagt på vår heimeside www.fk.no.

Alle tilbud blir handtert som fortrulege til fristen for innsending er ute. Alle tilbud med namn på aktør som har levert tilbud, oversikt over kvanta og pristilbud, vil bli gjort offentleg kjent etter at godkjenningar er avklart. Norske Felleskjøp viser elles til vår erklæring om handtering av informasjon vi tek imot som marknadsregulator, vedteken 13.02.04. Erklæringa ligg på nettsida vår under Markedsregulering/Markedsordningen.

Med vennleg helsing

Norske Felleskjøp



Sindre Flø

Fagsjef marknadsregulering

Kopi av brevet er sendt til Landbruksdirektoratet.

Vedlegg: Norske Felleskjøp sine retningsliner av 26.11.2015
Skjema for tilbud om omdisponering